



© Chris Scott/Newspix / Rex Feature

BESAR...Natalie Chettle menjulang Rupert, milik ibunya.

## Rupert, 9 kg, kucing paling besar di Australia

**S**YDNEY: Dengan saiz tiga kali ganda berbanding kucing biasa, ramai yang berfikir Rupert tidak akan membesar lagi buat masa ini.

Bagaimanapun, kucing saiz besar melampau itu yang berat sembilan kilogram dan dianggap sebagai antara kucing paling besar di dunia, hanya baru membesar separuh dan dijangka terus bertambah gemuk.

Kucing baka Maine coon itu baru mencapai separuh daripada berat kemungkinannya pada usia hampir tiga tahun. Beratnya dijangka bertambah sebanyak lima kilogram lagi.

Hakim pertandingan kucing berkata, Rupert yang tiga kali menjadi juara di negara asalnya, Australia, adalah kucing Maine coon baka tempatan paling besar pernah mereka lihat.

Hakim, Lesley Morgan Blythe berkata: "Dia sungguh besar, kucing gergasi dan masih belum membesar sepenuhnya.

"Dia lebih besar berbanding kucing Maine coon yang pernah saya lihat."

Pemilik Rupert, Kyra Foster, berkata: "Dia kelihatan sungguh hebat dengan bulu yang panjang di samping mukanya yang kelihatan liar.

"Orang ramai akan terpesona apabila melihatnya."

Kucing Maine coon terkenal sebagai baka yang menghasilkan kucing tempatan besar.

Berasal dari Maine, negeri di Amerika Syarikat, kucing itu mempunyai ciri tersendiri kerana ekornya yang berbulu lebat dan panjang dan boleh membesar sehingga lebih satu meter. - DM



COMEL...Rupert menjuarai pertandingan kucing di Australia sebanyak tiga kali.